

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U KAKNJU  
Broj: 36 0 Su 071885 25 Su 21  
Kakanj, 20.10.2025.godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik Bosne i Hercegovine” broj 39/14,59/22 i 50/24), te preporuke Komisije za provođenje postupka javne nabavke iz Zapisnika o pregledu i ocjeni ponuda poslije održavanja e-aukcije broj: 36 0 Su 071885 25 Su 21 od 17.10.2025. godine, u postupku javne nabavke roba - Nabavka kompjuterske opreme, Predsjednik suda donosi,

### **ODLUKU** **o izboru najpovoljnijeg ponuđača**

#### Član 1.

Prihvata se preporuka Komisije za provođenje postupka javne nabavke roba – Nabavka kompjuterske opreme i ugovor se dodjeljuje ponuđaču EMADO D.O.O SARAJEVO. adresa: ul. Azize Šaćibegović br. 112. Sarajevo, ponuda broj NO0210/25 od 02.10.2025. godine za ponuđenu cijenu 22.395,00 KM bez PDV-a (DvadesetDvijeHiljadeTriStotineDevedestPet KM), kao najpovoljnijem ponuđaču nakon završetka e-aukcije.

#### Član 2.

Izabrani ponuđač je dužan u roku od 7 (sedam) dana od dana zaprimanja ove odluke dostaviti originale ili ovjerene kopije dokaza o ispunjavanju uvjeta u skladu sa tenderskom dokumentacijom i datom Izjavom iz člana 45. Zakona o javnim nabavkama i novi Obrazac za cijenu ponude koji će da odražava smanjene cijene iz e-aukcije.

#### Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

#### Član 4.

Ova odluka objavit će se na WEB stranici Općinskog suda u Kaknju, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

#### Član 5.

Po pravosnažnosti ove odluke i u skladu sa članom 72. stav (1) Zakona o javnim nabavkama, ugovorni organ će pozvati izabranog ponuđača radi zaključenja ugovora.

### **Obrazloženje**

Postupak javne nabavke roba - Nabavka kompjuterske opreme pokrenut je Odlukom o pokretanju postupka javne nabavke broj: 36 0 Su 071885 25 Su 21 od 26.09.2025.godine. Postupak je proveden putem konkurentskog zahtjeva za dostavu ponuda, za koje je objavljeno obavještenje o nabavci broj: 5359-7-1-80-3-11/25 objavljeno 26.09.2025. godine na Portalu javnih nabavki.

Komisija za javne nabavke dostavila je dana 17.10.2025. godine predsjedniku Općinskog suda u Kaknju Zapisnik o pregledu i ocjeni ponuda broj: 36 0 Su 071885 25 Su 21 od 14.10.2025.godine sačinjen prije održavanja e-aukcije, te Zapisnik o pregledu i ocjeni ponuda broj: 36 0 Su 071885 25 Su 21 od

17.10.2025.godine sačinjen poslije održavanja e-aukcije sa preporukom o izboru najpovoljnijeg ponuđača za predmetnu nabavku.

Komisija za javne nabavke je navela da je blagovremeno i pravilno izvršila javno otvaranje, pregled i ocjenu kvalificiranosti prispjelih ponuda u skladu sa kriterijima iz tenderske dokumentacije o čemu je sačinila odgovarajuće zapisnike, te da su zaprimljene tri ponude i to sljedećim redoslijedom:

<b>Redni broj</b>	<b>PONUĐAČ</b>	<b>SJEDIŠTE</b>
1.	„EMADO“ D.O.O SARAJEVO	Azize Šaćirbegović br.112, Sarajevo
2.	„ELUR „ D.O.O KISELJAK	Žrtava domovinskog rata br.2, Kiseljak
3.	„MOON“ D.O.O ZENICA	Maršala Tita br.38, Zenica

Kopija Zapisnika sa otvaranja ponuda dostavljena je ponuđačima putem e-maila dana 10.10.2025. godine u skladu sa odredbom člana 63. stav (6) Zakona o javnim nabavkama Bosne i Hercegovine.

Nakon izvršenog pregleda i ocjene ponuda, o čemu je komisija sačinila Zapisnik o ocjeni ponuda, proizilazi da su kvalifikovane i prihvatljive ponude ponuđača: „EMADO“ D.O.O. Sarajevo i „ELUR“ D.O.O. Kiseljak dok je ponuda punuđača „MOON“ d.o.o Zenica ocijenjena kao nepravilna, odnosno kao ponuda koja nije sačinjena u skladu sa tenderskom dokumentacijom.

Naime, ponuđač „MOON“ d.o.o. Zenica, dostavio je ponudu za artikal iz Aneksa 2., redni broj 4 tenderske dokumentacije koji ne zadovoljava tražene tehničke specifikacije, a koje se ogledaju u tome što je ugovorni organ u Obrascu za cijenu ponude (Aneks 2) r.br. 4 tražio višenamjenski laserski crno-bijeli uređaj za ispis, kopiranje, skeniranje i faksiranje formata A4, sa min. 1 GB radne memorije, a ponuđač je ponudio uređaj LEXMARK MX 431adn.

Provjerom karakteristika ponuđenog proizvoda na oficijelnoj web stranici Lexmark, Komisija je utvrdila da je ponuđač ponudio uređaj koji sadrži 512 MB memorije, što je ispod traženog minimuma od 1 GB memorije. Izvor: [https://www.lexmark.com/content/dam/lexmark/collateral/brochures/na/en\\_us/MX431adn-Brochure.pdf](https://www.lexmark.com/content/dam/lexmark/collateral/brochures/na/en_us/MX431adn-Brochure.pdf)

Članom 2. stav 1. alineja 1 - 3) Zakona o javnim nabavkama BiH, propisana je definicija „nepravilne ponude“, te navedeno, između ostalog, da je nepravilna ponuda ona koja nije u skladu sa tenderskom dokumentacijom.

Članom 68. stav 4. alineja i) Zakona o javnim nabavkama BiH propisano je da je ugovorni organ dužan da odbaci zahtjev za učešće ili ponudu u slučajevima kad ponuda nije potpuna i ne ispunjava zahtjeve iz tenderske dokumentacije.

Obzirom na gore navedene nedostatke u ponudi ponuđača MOON“ D.O.O. Zenica., ponudu je valjalo odbaciti i istog ocjeniti kao nekvalifikovanog ponuđača u ovom postupku javne nabavke.

E-aukcija sa kvalifikovanim ponuđačima zakazana je u skladu sa Pravilnikom o uslovima i načinu korištenja E-aukcije (“Službeni glasnik Bosne i Hercegovine” broj 80/23) za dan 17.10.2025. godine u 11,00 sati sa predviđenim trajanjem od 10 minuta.

Po okončanju e-aukcije u skladu sa utvrđenim kriterijem „najniža cijena“ komisija je na osnovu Izvještaja o toku i završetku e-aukcije konstatovala da je ista trajala od 11,00 sati do 11,12 sati i konačna rang lista ponuđača koji su učestvovali u E-aukciji je sljedeća:

<b>Redni broj</b>	<b>Naziv ponuđača</b>	<b>Konačna cijena bez PDV-a</b>
1.	„EMADO“ D.O.O. SARAJEVO	22.395,00 KM
2.	„ELUR“D.O.O. KISELJAK	22.410,00 KM

Imajući u vidu da je kriterij za dodjelu ugovora najniža cijena i da ponuda ponuđača „EMADO“ D.O.O., SARAJEVO nakon e-aukcije iznosi 22.395,00 KM bez PDV-a, ista je ocijenjena kao najpovoljnija ponuda.

Komisija za javne nabavke je dala preporuku predsjedniku suda da donese Odluku o izboru najpovoljnijeg ponuđača i dodijeli ugovor ponuđaču „EMADO“ D.O.O. SARAJEVO, što je u skladu sa Zakonom o javnim nabavkama, podzakonskim aktima i tenderskom dokumentacijom.

Pri donošenju ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te da nisu utvrđene nepravilnosti ili propusti u radu, koji bi eventualno bili razlog za neprihvatanje preporuke Komisije za javne nabavke.

Uzimajući u obzir da je komisija u cjelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, odlučeno je kao u dipozitivu odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana prijema ove odluke.

**Dostaviti:**

1. „EMADO“ D.O.O., putem e-maila [kontakt@emado.ba](mailto:kontakt@emado.ba)
2. „ELUR“ D.O.O., putem e-maila [info@elur.ba](mailto:info@elur.ba)
3. „MOON“ D.O.O., putem e-maila [info@moontrupa.com](mailto:info@moontrupa.com)
4. WEB i
5. a/a.



Predsjednik suda

Eldar Zaimović